



# 蘇東坡東坡集

## 卷一 詩四十七首

辛丑十一月十九日既與子由別於鄭州西門之外馬上賦詩一篇寄之

不飲胡爲醉兀兀此心已逐歸鞍發歸人猶自念庭闈今我何以慰寂寞登高回首坡隴隔惟見烏帽出復沒苦寒念爾衣裘薄獨騎瘦馬踏殘月路人行歌居人樂僮僕怪我苦淒惻亦知人生要有別但恐歲月去飄忽寒燈相對記曉昔夜雨何時聽蕭瑟君知此意不可忘慎勿苦愛高官職（嘗有夜雨對床之言故云爾）

### 和子由瀾池懷舊

人生到處知何似應似飛天踏雪泥泥上偶然留指爪鴻飛那復計東西老僧已死成新塔壞壁無由見舊題往日崎嶇還記否路長人困蹇驢嘶（往歲馬死於二陵騎驢至瀾池）

### 次韻和劉京兆石林亭之作石本唐苑中物散流民間劉購得之

都城日荒廢往事不可還惟餘故苑石漂散尚人間公來始購蓄不憚道里艱盡從塵埃中來對冰雪顏瘦骨拔塵穢蒼根漱潺湲唐人唯奇章好石古莫攀盡今屬牛氏刻鑿紛班班嗟此本何常聚散實循環人失亦人得要不出區寰君看劉李末不能保河關况此百株石鴻毛於太山但當對石飲萬事付等閑

壬寅二月有詔令郡史分往屬縣減決囚禁自十三日受命出府至寶雞號牒盤屋四縣既畢事因也朝謁太平官而宿於南溪溪堂遂並南山而西至樓觀大秦寺延生觀仙遊潭十九日迺歸作詩五百言以記凡所經歷者寄子由

遠人罹水旱王命釋俘囚分縣傳明詔循山得勝遊蕭條初出郭曠蕩實消憂薄暮來孤鎮登臨憶武侯

嶽依絕壁，蒼茫瞰奔流；半夜人呼急，橫空火氣浮。天遙殊不辨，風急已難收。曉入陳倉縣，猶餘賣酒樓。煙煤已狼籍，吏卒尚呀咻。（十三日宿武城鎮，卽俗所謂石鼻寨也。云孔明所築，是夜二鼓，寶雞火作，相去三十里，而見於武城。）雞嶺雲霞古，龍宮殿宇幽。（縣有雞爪峰龍宮寺。）南山連大散，歸路走吾州。欲往安能遂？將還爲少留。同趨西虢道，却渡小河洲。聞道磻溪石，猶存渭水頭。蒼崖雖有迹，大釣本無鈎。（十四日自寶雞行至虢，聞太公磻溪石，在縣東南十八里，猶有投竿跪餌兩膝所著之處。）東去過鄜塢，孤城象漢劉。誰言董公健？竟復伍季繇。白刃俄生肘，黃金漫似丘。（十五日至鄜縣，縣有董卓城，其城象長安，俗謂之小長安。）平生聞太白，一見駐行轡。鼓角誰能試？風雷果致不？巖崖已奇絕，冰雪更瑯鏤。春早憂無麥，山靈喜有湫。蛟龍懶方睡，蜃鱗小容偷。（是日晚自鄜起至青秋鎮，宿道過太白山，相傳云軍行鳴鼓角過山下，輒致雷雨，山上有湫甚靈，以今歲早，方議取之。）二曲林泉勝，三川氣象侔。近山薜麥早，臨水竹篁脩。（十六日至整屋，以近由地美，氣候殊早，縣有官竹園，十數里不絕。）先帝膺符命，行宮畫冕旒。侍臣簪武弁，女樂抱笙篳。祕殿開金鑲，神人控玉蚪。黑衣橫巨劍，被髮礪雙眸。（十七日寒食，自整屋東南行二十餘里，朝謁太平宮二聖御容，此宮乃太宗皇帝時有神降於道士張守真，以告受命之符，所爲立也，神封翊聖將軍有殿。）邂逅逢佳士，相將弄綵舟。投篙披綠荇，濯足亂清溝。晚宿南谿上，森如水國秋。遠湖栽翠密，終夜響颼颼。（是日與監官張杲之汎舟南溪，遂宿於溪堂。）冒曉窮幽邃，操戈畏炳彪。（十八日循谿南而西，縣尉以甲卒見送，或云近官竹園，往往有虎。）尹生猶有宅，老氏舊停輶。問道遺蹤在，登仙往事悠。馭風歸汗漫，閱世似蜉蝣。羽客知人意，瑤琴繫馬鞦。不辭山寺遠，來作鹿鳴呦。帝子傳聞李，嚴堂髣髴繖。輕風幃幔卷，落日髻鬟愁。入谷（音浴）驚蒙密，登坡費挽樓。亂峰巉似梁，一水淡如油。中使何年到？金龍自古投。千重橫翠石，百丈見游鯈。最愛泉鳴洞，初嘗雪入喉。滿餅雖可致，洗耳歎無由。（是日遊崇聖觀，俗所謂樓觀也，乃尹喜舊宅，山脚有授經臺，尙在，遂與張杲之同至大秦寺早食而別，有太平宮道士趙宗有抱琴

見送至寺，作鹿鳴之引，乃去；又西至延生觀，觀後上小山，有唐玉真公主修道之遺迹，下山而西行十數里，南入黑水谷，谷中有潭，名仙遊潭，上有寺三，倚峻峰，面清溪，樹林深翠，怪石不可勝數，潭水以繩縋石，數百尺不得其底，以瓦礫投之，翔揚徐下，食頃乃不見，其清澈如此。遂宿於中興寺，寺中有玉女洞，洞中有飛泉，甚甘，明日以泉二餅歸至郾，又明日乃至府。忽憶尋蠓培，方冬脫鹿裘，山川良甚似，水石亦堪儔，惟有泉旁飲，無人自獻酬。昔與子由遊蠓培，時方冬，洞中溫溫如二三月。

太白山下早行至橫渠鎮書崇壽院壁

馬上續殘夢，不知朝日昇。亂山橫翠幃，落月淡孤燈。奔走煩郵吏，安閑媿老僧。再遊應眷眷，聊亦記吾曾。

留題延生觀後山上小堂

溪山愈好意無厭，上到巉巉第幾尖。深谷野禽毛羽怪，上方仙子鬢眉纖。不慙弄玉騎丹鳳，應逐常娥駕老蟾。澗草巖花自無主，晚來蝴蝶入疎簾。

留題仙遊潭中興寺寺東有玉女洞洞南有馬融讀書石室過潭而南山石益奇，潭上有橋，畏其險不敢渡。

清潭百丈皎無泥，山木陰陰谷鳥啼。蜀客曾遊明月峽，秦人今在武陵溪。獨攀書室窺巖竇，還訪仙姝款石闥。猶有愛山心未至，不將雙腳踏飛梯。

石鼻城

平時戰國今無在，陌上征夫自不閑。北客初來試新險，蜀人從此送殘山。獨穿暗月朦朧裏，愁渡奔河蒼茫間。漸入西南風景變，道邊脩竹水潺潺。

礪溪石

墨突不暇黔，孔席未嘗暖。安知匍上叟，跪石留雙趺。一朝嬰世故，辛苦平多難。亦欲就安眠，旅人譏客嬾。

鄮場

衣中甲厚行何懼，塢裏金多退足憑。畢竟英雄誰得似，臍脂自照不須燈。

樓觀（秦始皇始立老子廟於觀南，晉惠始修此觀。）

門前古碣臥斜陽，閱世如流事可傷。長有遊人悲晉惠，強修遺廟學秦皇。丹砂久窖井水赤，白樹誰燒廚竈香。聞道神仙亦相過，只疑由叟是庚桑。

九月二十日微雪懷子由弟一首

岐陽九月天微雪，已作蕭條歲暮心。短日送寒砧杵急，冷官無事屋簷深。愁腸別後能消酒，白髮秋來已上簪。近買貂裘堪出塞，忽思乘傳問西縣。

江上同舟詩滿篋，鄭西分馬涕垂膺。未成報國慙書劍，豈不懷歸畏友朋。官舍度秋驚歲晚，寺樓見雪與誰登。遙知讀易東窗下，車馬敲門定不應。

病中聞子由得告不赴商州二首

病中聞汝免來商，旅鴈何時更著行。遠別不知官爵好，思歸苦覺歲年長。著書多暇真良計，從宦無功漫去鄉。惟有王城最堪隱，萬人如海一身藏。

近從章子聞渠說，苦道商人望汝來。說客有靈慙直道，逋翁久沒厭凡才。夷音僅可通名姓，瘴俗無由辨頭顱。答策不堪宜落此，上書求免亦何哉。（章子惇也。）

辭官不出意誰知，敢向清時怨位卑。萬事悠悠付杯酒，流年冉冉入雙髭。策曾忤世人嫌汝，易可忘憂家有師。此外知心更誰是，夢魂相覓苦參差。

病中大雪數日未嘗起觀號令趙薦以詩相屬戲用其韻答之

經旬臥齋閣終日親刺和（去）不知雪已深但覺寒無奈飄蕭窗紙鳴堆壓簷板墮（閣中皆以板爲簷）風颭助凝冽幃幔困掀簸惟思近醇醪未敢窺璨璫何時反炎赤却欲躬白磨誰云座無氈尚有裘充貨西鄰歌吹發促席寒威挫崩騰踏成逕繚繞飛入坐人散瓦先融飲備餅屢臥嗟余獨愁寂空室自困垓欲爲後日賞恐被遊塵流寒更報新霽皎月懸半破有客獨苦吟清夜默自課詩人例窮寒秀句出寒餓何當暴雪霜庶以躡郊賀。

歲晚相與餽問爲餽歲酒食相邀呼爲別歲至除夜達旦不眠爲守歲蜀之風俗如是余官於岐下歲暮思歸而不可得故爲此三詩寄子由弟

### 餽歲

農功各已收歲事得相佐爲歡恐無見假物不論貨山川隨出產貧富稱小大寶盤巨鯉橫發籠（去）雙兔臥富人事華靡綵繡光飜座貧者愧不能微擎出香磨官居故人少里巷佳節過亦欲舉鄉風獨倡無人和

### 別歲

故人適千里臨別尙遲遲人行猶可復歲行那可追問歲安所之遠在天一涯已逐東流水赴海歸無時東隣酒初熟西舍餽亦肥且爲一日歡慰此窮年悲勿嗟舊歲別行與新歲辭去去勿回顧還君老與衰

### 守歲

欲知垂盡歲有似赴壑蛇脩鱗半已沒去意誰能遮况欲繫其尾雖勤知奈何兒童強不睡相守夜謹謹晨雞且勿唱更鼓長添撾坐久燈燼落起看北斗斜明年豈無年心事恐蹉跎努力盡今夕少年猶可詩

和子由踏青

春風陌上驚微塵，遊人初樂歲華新。人閑正好路旁飲，麥短未怕遊車輪。城中居人厭城郭，喧闐曉出空四鄰。歌鼓驚山草木動，簞瓢散野鳥鶯馴。何人聚衆稱道人，遮道賣符色怒瞋。一宜蠶使汝蠶如麀，一路人未必信此語。強爲買服襖新春，道人得錢徑沽酒，醉倒自謂「吾符神」。

和子由蠶市

蜀人衣食常苦艱，蜀人遊樂不知還。千人耕種萬人食，一年辛苦一春閑。閑時尙以蠶爲市，共忘辛苦逐欣歡。去年霜降斫秋菰，今年霜積如連山。破瓢爲輪土爲釜，爭買不翅金與紬。憶昔與子皆童丱，年年廢書走市觀。市人爭誇鬪巧智，野人喑啞遭欺謾。詩來使我感舊事，不悲去國悲流年。

和子由苦寒見寄

人生不滿百，一百費三年。三年吾有幾？棄擲理無還。長恐別離中，摧我鬢與顏。念昔喜著書，別來不成篇。細思平時樂，乃爲憂所緣。吾從天下士，莫如與子歡。羨子久不出，讀書蠹生鬚。丈夫重出處，不退要當前。西羌解仇隙，猛士憂塞壩。廟謀雖不戰，虜意久欺天。山西良家子，錦緣貂裘鮮。千金買戰馬，百寶粧刀環。何時逐汝去，與虜試周旋。

和子由論書

吾雖不善書，曉書莫如我。苟能通其意，常謂不學可。貌妍容有顰，璧美何妨橢。端莊雜流麗，剛健含婀娜。好之每自譏，不謂子亦頗。書成輒棄去，繆被旁人裏。皆云本闊落，結束入細麼。子詩亦見推，語重未敢荷。邇來又學射，力薄慙官荷。官箭十二把，吾能十一把箭耳。多好竟無成，不精安用夥。何當盡屏去，萬事付懶惰。吾聞古書法，守駿莫如跛。世俗筆苦驕，衆中強鬼駭。鍾張忽已遠，此語與時左。

記所見開元寺吳道子畫佛減度以答子由

西方真人誰所見？衣被七寶從雙狻。當時脩道頗辛苦，柏生兩肘烏巢肩。初如濛濛隱山玉，漸如濯濯出水蓮。道成一旦就空滅，奔會四海悲人天。翔禽哀響動林谷，獸鬼躑躅淚迸泉。龐眉深目彼誰子？遶牀彈指性自圓。隱如寒月墮清晝，空有孤光留故躔。春遊古寺拂塵壁，遺像久此羅香煙。畫師不復寫名姓，皆云「道子口所傳」。從橫固已蔑孫鄧，有如巨鰲吞小鮮。來詩所誇孰與此？安得攜掛其旁觀？

### 和子由寒食

寒食今年二月晦，樹林深翠已生烟。遶城駿馬誰能借？到處名園意盡便。但挂酒壺那計盞？偶題詩句不須編。忽聞啼鴉驚羈旅，江上何人治廢田？

### 和劉長安題薛周遶老亭周最善飲酒未七十而致仕

近聞薛公子，早退驚常流。買園招野鶴，鑿井動潛虬。自言酒中趣，一斗勝涼州。翾然拂衣去，親愛挽不留。隱居亦何樂？素志庶可求。所亡嗟無幾，所得不啻酬。青春爲君好，白日爲君悠。山鳥奏琴筑，野花弄閑幽。雖辭功名，其樂實素侯。至今清夜夢，尙驚冠壓頭。誰能載美酒，往以大白浮。之子雖不識，因公可與遊。

### 中隱堂詩（并敘）

岐山宰王君紳，其祖故蜀人也。避亂來長安，而遂家焉。其居第園圃，有名長安城中，號中隱堂者是也。予之長安，王君以書戒其子弟，邀予遊，且乞詩甚勤，因爲作此五篇。

去蜀初地難，遊秦遂不歸。園荒喬木老，堂在昔人非。鑿石清泉激，開門野鶴飛。退居吾久念，長恐此心違。徑轉如脩蟒，坡垂似伏鼈。樹從何代有，人與此堂高。好古嗟生晚，偷閑厭久勞。王孫早歸隱，塵土汚君袍。二月驚梅晚，幽香此地無。依依慰遠客，皎皎似吳姝。不恨故園隔，空嗟芳歲徂。春深桃李亂，笑汝益羈孤。翠石如鸚鵡，何年別海壖。賁隨南使遠，載壓隕舟偏。已伴喬松老，那知故國還。金人解辭漢，汝獨不潛然。都城更幾姓，到處有殘碑。

古隧埋蜉蝣，崩崖露伏龜。安排壯亭榭，收拾費金貲。蚬蜊何須到？韓公浪自悲！

鳳翔八觀（并敘）

鳳翔八觀詩，記可觀者八也。昔司馬子長登會稽，探禹穴，不遠千里；而李太白亦以七澤之觀，至荊州；子蓋悲世悼俗，自傷不見古人，而欲一觀其遺迹，故其勤如此。鳳翔當魏蜀之交，士大夫之所朝夕往來，此八觀者，又皆跬步可至，而好事者有不能徧觀焉，故作詩以告欲觀而不知者。

石鼓

冬十二月歲辛丑，我初從政見魯叟，舊聞石鼓今見之，文字鬱律蛟蛇走。細觀初以指畫肚，欲讀嗟如箝在口。韓公好古生已遲，我今况又百年後！強尋偏旁推點畫，時得一二遺八九。我車既攻馬亦同，其魚維鱖貫之柳（其詞云：「我車既攻，我馬既同。」又云：「其魚維何？維鱖維鯉，何以貫之？」惟楊與柳）惟此六句可讀，餘多不可通。古器縱橫猶識鼎，衆星錯落僅名斗。模糊半已似癡牴，詰曲猶能辨跟肘。娟娟缺月隱雲霧，濯濯嘉禾秀黃莠。漂流百戰偶然存，獨立千載誰與友？上追軒顙相唯諾，下揖冰斯同殷紂。憶昔周宣歌鴻鴈，當時籀史變蝌蚪。厭亂人方思聖賢，中興天爲生耆耆。東征徐虜闕虢虎，北伏犬戎隨指嗾。象骨雜沓貢狼鹿，方邵聯翩賤圭卣。遂因鼓鼙思將帥，豈爲考擊煩矇瞍？何人作頌比崧高，萬古斯文齊岣嶺。勸勞至大不矜伐，文武未遠猶忠厚。欲尋年歲無甲乙，豈有名字記誰某？自從周衰更七國，竟使秦人有九有。掃除詩書誦法律，投棄俎豆陳鞭撻。當年誰人佐祖龍？上蔡公子牽黃狗。登山刻石頌功烈，後者無繼前無偶。皆云皇帝巡四國，烹滅強暴救黔首。六經既已委灰塵，此鼓亦當遭擊剖。傳聞九鼎淪泗上，欲使萬夫沉水取。暴君縱欲窮人力，神物義不汙秦垢。是時石鼓何處避？無乃天公令鬼守？興亡百變物自閑，富貴一朝名不朽。細思物理坐歎息，人生安得如汝壽？

詛楚文（碑獲於開元守土下，今在太守便廳，秦穆公葬於雍橐泉，祈年觀）

下，今墓在開元寺之東南數十步，則寺豈祈年之故基耶？維南王遷於蜀，至雍道病卒，則雍非長安，此乃古雍也。

崢嶸開元寺，髣髴祈年觀，舊築掃成空，古碑埋不爛。詛書雖可讀，字法嗟久換。詞云秦嗣王，敢使稅用贖。先君穆公世，與楚約相捍。質之於巫咸，萬葉期不叛。今其後嗣王，乃敢構多難。剝胎殺無罪，親族遭圍絆。計其所稱訴，何啻桀紂亂。吾聞古秦俗，面詐背不汗。豈惟公子邛，社鬼亦遭謾。遒哉千歲後，發我一笑粲。

### 王維吳道子畫

何處訪吳畫，普門與開元。開元有東塔，摩詰留手痕。吾觀畫品中，莫如二子尊。道子實雄放，浩如海波翻。當其下手風雨快，筆所未到氣已吞。亭亭雙林間，彩暈扶桑暎。中有至人談寂滅，悟者悲涕迷者手自捫。懣君鬼伯千萬萬，相排競進頭如龍。摩詰本詩老，佩芷襲芳蓀。今觀此壁畫，亦若其詩清。且敦祇園弟子畫，鶴骨心如死灰。不復溫門前雨叢竹，雪節貫霜根。交柯亂葉動無數，一一皆可尋其源。吳生雖妙絕，猶以畫工論。摩詰得之於象外，有如仙翮謝籠樊。吾觀二子皆神俊，又於維也歛衽無間言。

### 維摩像唐楊惠之塑在天柱寺

昔者子輿病且死，其友子祀往問之。跏趺鑒井自嘆息：「造物將安以我爲？」今觀古塑維摩像，病骨磊砢如枯龜。乃知至人外生死，此身變化浮雲隨。世人豈不頑，且好身雖未病心已疲。此叟神完中有恃，談笑可却千熊羆。當其在時或問法，俛首無言心自知。至今遺像兀不語，與昔未死無增虧。田翁俚婦那肯顧，時有野鼠銜其髭。見之使人每自失，誰能與結無言師？

### 東湖

吾家蜀江上，江水綠如藍。爾來走塵土，意思殊不堪。况當岐山下，風物尤可慙。有山禿如瘡，有水濁如泔。不

謂郡城東，數步見湖潭，入門便清臭。恍如夢西南，泉源從高來，隨坡走涵涵，東去觸重阜，盡爲湖所貪。但見蒼石嶙峋，開口吐清甘，借汝腹中過，胡爲目耽耽？新荷弄晚涼，輕棹極幽探，飄飄忘遠近，偃息遺佩簪。深有龜與魚，淺有螺與蚌，曝晴復戲雨，戰戰多於蠶。浮沉無停餌，倏忽遽滿籃，絲繒雖強致，瑣細安足戡。聞昔周道興，翠鳳棲孤嵐，飛鳴飲此水，照影弄毳毼。（此古飲鳳池也。）至今多梧桐，合抱如彭聃，綵羽無復見，上有鸛搏鷃，嗟予生雖晚，考古意所耽。圖書已漫漶，猶復訪僑郛，卷阿詩可繼，此意久已含。扶風古三輔，政事豈沒諳？聊爲湖上飲，一縱醉後談。門前遠行客，劫劫無留驂，問胡不同首，無乃趣朝參？予今正疎懶，官長幸見函，不辭日遊再，行恐歲滿三，暮歸還倒載，鍾鼓已餽餽。（音諳）

## 真興寺閣

山川與城郭，漠漠同一形。市人與鷗鵲，浩浩同一聲。此閣幾何高？何人之所營？側身送落日，引手攀飛星。當年王中令，砍木南山頽，寫真留閣下，鐵面眼有稜。身強八九尺，與閣兩崢嶸。古人雖暴恣，作事今世驚。登者尙呀喘，作者何以勝？曷不觀此閣，其人勇且英！

## 李氏園（李茂正園也，今爲王氏所有。）

朝遊北城東，回首見脩竹。下有朱門家，破牆圍古屋。舉鞭叩其戶，幽響答空谷。入門所見夥，十步九移目。異花兼四方，野鳥喧百族。其西引溪水，活活轉牆曲。東注入深林，林深窗戶綠。水光兼竹淨，時有獨立鵠。林中百尺松，歲久蒼鱗威。豈惟此地少，意恐關中獨。小橋過南園，夾道多喬木。隱如城百雉，挺若舟千斛。陰陰日光淡，黯黯秋氣蓄。盡東爲方池，野鴈雜家鶩。紅梨驚合抱，映島孤雲馥。春光水溶漾，雪陣風翻撲。其北臨長溪，波聲卷平陸。北山臥可見，蒼翠間磽确。我時來周覽，問此誰所築？云：「昔李將軍負嶮乘衰叔，抽錢算間口，但未權羹粥。當時奪民田，失業安敢哭。誰家美園圃，籍沒不容贖。此亭破千家，鬱鬱城之麓。」將軍竟何事，蟻蟲生刀韞。何嘗載美

酒來此駐車轂，空使後世人聞名頸猶縮！（俗猶呼皇后圍，蓋茂正謂其妻也。）我今官正閑，屢至因休沐，人生營居止，竟爲何人卜，何當辦一身，永與清景逐。

### 秦穆公墓

秦墓在城東，墓在城中無百步，乃知昔未有此城，秦人以泉識公墓，昔公生不誅孟明，豈有死之日而忍用其良？乃知三子徇公意，亦如齊之二子從田橫，古人感一飯，尙能殺其身，今人不復見此等，乃以所見疑古人，古人不可望，今人益可傷！

### 和子由聞子瞻將如終南太平宮谿堂讀書

役名則已勤，徇身則已殫，我誠愚且拙，身名兩無謀，始者學書判，近亦知問囚，但知今當爲，敢問嚮所由？士方其未得，唯以不得憂，既得又憂失，此心浩難收，譬如倦行客，中路逢清流，塵埃雖未脫，暫憩得一漱，我欲走南澗，春禽始嚶呦，鞅掌久不決，爾來已徂秋，橋山日月迫，府縣煩差抽，王事誰敢愬，民勞吏宜羞，中間罹旱暵，欲學喚雨鳩，千夫挽一木，十步入九休，渭水涸無泥，舊堰旋插脩，對之食不飽，餘事更遑求，近日秋雨足，公餘試新蕪，勦勞幸已過，朽鈍不任鍤，秋風迫吹帽，西阜可縱遊，聊爲一日樂，慰此百日愁。

### 將往終南和子由見寄

人生百年寄鬢鬢，富貴何啻葭中草，惟將翰墨留染濡，絕勝醉倒蛾眉扶；我今廢學如寒草，久不吹之澀欲無，歲云暮矣嗟幾餘，欲往南溪侶禽魚，秋風吹雨涼生膚，夜長耿耿添漏壺，窮年弄筆衫袖烏，古人有之我願如，終朝危坐學僧趺，閉門不出閑履屨，下視官爵如泥塗，嗟我何爲久踟躕，歲月豈肯爲汝居，僕夫起餐秣吾駒。

七月二十四日，以久不雨，出禱磻溪，是日宿號縣，二十五日晚，自號縣渡渭，宿於僧舍，曾閱閣故曾氏所建也，夜久不寐，見壁有前縣令趙薦留名有懷其人。

龕燈明滅欲三更，欹枕無人夢自驚。深谷留風終夜響，亂山銜月半床明。故人漸遠無消息，古寺空來看姓名。欲向磻谿問姜叟，僕夫屢報斗杓傾。

二十六日五更起行至磻谿未明

夜入磻谿如入峽，照山炬火落驚猿。山頭孤月耿猶在，石上寒波曉更喧。至人舊隱白雲合，神物已化遺蹤。安得夢隨霹靂駕，馬上傾倒天瓢翻。

是日自磻谿將往陽平，憩於麻田青峯寺之下院翠麓亭

不到峰前寺，空來渭上村。此亭聊可喜，修徑豈辭捫。谷映朱欄秀，山含古木尊。路窮驚石斷，林缺見河奔。馬困嘶青草，僧留薦晚飧。我來秋日午，旱久石床溫。安得雲如蓋，能令雨瀉盆。共看山下稻，涼葉晚翻翻。

二十七日自陽平至斜谷宿於南山中磻龍寺

橫槎晚渡碧澗口，騎馬夜入南山谷。（浴音）谷中暗水響瀧瀧，嶺上疎星明煜煜。寺藏巖底千萬仞，路轉山腰三百曲。風生飢虎嘯空林，月黑驚麕竄脩竹。入門突兀見深殿，照佛青燐有殘燭。媿無酒食待遊人，旋斫杉松煮溪蕨。板閣獨眠驚旅枕，木魚曉動隨僧粥。起觀萬瓦鬱參差，目亂千巖散紅綠。門前商賈負椒菽，山後咫尺連巴蜀。何時歸耕江上田，一夜心逐南飛鵠。

是日至下馬磻，憩於北山僧舍。有閣曰懷賢，南直斜谷。西臨五丈原，諸葛孔明所從出師也。

南望斜谷口，三山如犬牙。西觀五丈原，鬱屈如長蛇。有懷諸葛公，萬騎出漢巴。吏士寂如水，蕭蕭聞馬嘶。公才與曹丕，豈止十倍加。顧瞻三輔間，勢若風捲沙。一朝長星墜，竟使蜀婦髻。山僧豈知此，一室老煙霞。往事逐雲散，故山依渭斜。客來空弔古，清淚落悲笳。

卷二 詩八十二首

和子由記園中草木十一首

煌煌帝王都，赫赫走羣彥。嗟汝獨何爲，閉門觀物變？  
微物豈足觀？汝獨觀不勌。牽牛與葵藿，採摘入詩卷。吾  
聞東山傳，置酒攜嬾婉。富貴未能忘，聲色聊自遣。汝今又不然，時節看瓜蔓。懷寶自足珍，栽蘭那計晚？吾歸於汝  
處，慎勿嗟歲晚！

荒園無數畝，草木動成林。春陽一已敷，妍醜各自矜。蒲菊雖滿架，困倒不能任。可憐病石榴，花如破紅襟。葵  
花雖粲粲，蒂淺不勝簪。叢蓂晚可喜，輕紅隨秋深。物生感時節，此理等廢興。飄零不自由，盛亦非汝能。

種柏待其成，柏成人亦老。不如種叢篁，春種秋可倒。陰陽不擇物，美惡隨意造。柏生何苦艱，似亦費天巧。天  
工巧有幾，肯盡時汝耗？君看藜與藿，生意常草草！

萱草雖微花，孤秀能自拔。亭亭亂葉中，一一芳心插。牽牛獨何畏？詰曲自牙蘖。走尋荊與榛，如有宿昔約。南  
齋讀書處，亂翠曉如潑。偏工貯秋雨，歲歲壞籬落。

蘆荀初似竹，稍開葉如蒲。方春節抱甲，漸老根生鬚。不受當夏綠，愛此及秋枯。黃葉倒風雨，白花搖江湖。江  
湖不可到，移植苦勤劬。安得雙野鳴，飛來成畫圖？

行樂惜芳晨，秋風常苦早。誰知念離別，喜見秋瓜老。秋瓜感霜霰，莖葉颯已槁。宦遊歸無時，身若馬繫皂。悲  
鳴念千里，耿耿志空抱。多憂竟何爲？使汝玄髮皤。

官舍有叢竹，結根閭閻廡。下爲人所徑，土密不容釘。慙慙戒吏卒，插棘護中庭。遽砌忽墳裂，走鞭瘦吟嶸。我  
常攜枕簟，來此蔭寒青。日暮不能去，臥聽窗風伶。

萼蔕生蜀道，白芷來江南。漂流到關輔，猶不失芳甘。濯濯翠莖滿，惜惜清露涵。及其未花實，可以資筐簞。秋節忽已老，苦寒非所堪。斷根取其實，對此微物慙。

自我來關輔，南山得再遊。中山亦何有，草木媚深幽。萼蔕人不識，生此亂石溝。山高霜雪苦，苗葉不得抽。下有千歲根，感縮如蟠虬。長爲鬼神守，德薄安敢偷。

我歸自南山，山翠猶在目。心隨白雲去，夢繞山之麓。汝從何方來，笑齒粲如玉。探懷出新詩，秀語奪山綠。覺來已茫昧，但記說秋菊。有如採樵子，入洞聽琴筑。歸來寫遺聲，猶勝人間曲。八月十二日夜宿府學，方和此詩，夢與弟遊南山，出詩數十篇，夢中甚愛之，及覺惟記一句云：「蟋蟀悲秋菊。」

野菊生秋澗，芳心空自知。無人驚歲晚，惟有暗蛩悲。花開澗水上，花落澗水湄。菊衰蛩亦蛩，與汝歲相期。楚客方多感，秋風詠江籬。落英不滿掬，何以慰朝飢。

周公廟廟在岐山西北七八里廟後百許步有泉依山湧列異常國史所謂澗德泉世亂則竭者也

吾今那復夢周公，尙喜秋來過故宮。翠鳳舊依山磴兀，清泉長與世窮通。至今遊客傷離黍，故國諸生詠雨濛。牛酒不來爲鳥散，白楊無數暮號風。

南溪之南竹林中新構一茆堂，予以其所處最爲深隱，故名之。遊世堂猶恨溪堂淺，更穿脩竹林。高人不畏虎，避世已無心。隱几類如病，忘言元似瘖。弗共追上古，冠蓋謝當今。曉夢援呼覺，秋懷鳥伴吟。暫來聊解帶，屢去欲攜衾。湖上行人絕，堦前暮雪深。應逢綠毛叟，扣戶夜抽簪。

自清平鎮遊樓觀五郡大秦延生仙遊往返四日得十一詩寄舍弟子由同作

鳥噪援呼晝閉門，寂寥誰識古皇尊。青牛久已辭轅輅，白鶴時來訪子孫。山近朔風吹積雪，天寒落日淡孤村。道人應怪遊人衆，汲盡堦前井水渾。

五郡

古觀正依林麓斷，居民來就水泉甘。亂谿赴壑爭趨北，飛鳥迎山不復南。羽客衣冠朝上象，野人香火祝春蠶。汝師豈解言符命，山鬼何知託老聃？（觀有明皇碑，言夢老子告以享國長久之意。）

授經臺（乃南山一峯耳，非復有築處。）

劍舞有神通草聖，海山無事化琴工。此臺一覽秦川小，不待傳經意已空。

大秦寺

晃蕩平川盡坡陁，翠麓橫忽逢孤塔迴。獨向亂山明信足，幽尋遠臨風却立驚。原田浩如海，袞袞盡東傾。

仙遊潭（五首，潭上有寺三，二在潭北，循黑水而上，爲東路，至南寺；度黑水

西里餘，從馬北上爲西路，至北寺，東路峻，不可騎馬，而西路隔潭，潭水深不可測，上以一木爲橋，不敢過，故南寺有塔，望之可愛而終不能到。）

翠壁下無路，何年雷雨穿。光搖巖上寺，深到影中天。我欲然犀看，龍應抱寶眠。誰能孤石上，危坐試僧禪。（

潭

東去愁攀石，西來怯渡橋。碧潭如見試，白塔苦相招。野魄慙微薄，村沽慰寂寥。路窮斤斧絕，松桂得干霄。（

南寺

唐初傳有此，亂後不留碑。畏虎關門早，無村得米遲。山泉自入甕，野桂不勝炊。信美那能久，應光學忍飢。（

北寺

未應將軍聘，初從季直遊。絳紗生不識，蒼石尙能留。豈害依梁冀！何須困李侯。吾詩慎勿刻，猿鶴爲君羞。（馬融石室）

洞裏吹簫子，終年守獨幽。石泉爲曉鏡，山月當簾鉤。歲晚杉楓盡，人歸霧雨愁。送迎應鄙陋，誰繼楚臣謳？（玉女洞）

愛玉女洞中水，旣致兩餅，恐後復取而爲使者見，給因破竹爲契，使寺僧藏其一，以爲往來之信，戲謂之調水符。

欺謾久成俗，關市有契繻。誰知南山下，取水亦置符。古人辨淄澠，皎若鶴與鳬。吾今旣謝此，但視符有無。常恐汲水人，智出符之餘。多防竟無及，棄置爲長吁！

自仙遊同至黑水，見居民姚氏山亭高絕可愛，復憇其上。

山礪曉辭谷，似報遊人起。出門猶屢顧，慘若去吾里。道途險且迂，繼此復能幾。溪邊有危構，歸駕聊復柅。愛此山中人，縹渺如仙子。平生慕獨往，官爵同一屣。胡爲此谿邊，眷眷若有垓。國恩久未報，念此慙且洎。臨風浩悲吒，萬世同一軌。何年謝簪綬，丹砂留迅晷。

南谿有會景亭，處衆亭之間，無所見，甚不稱其名。余欲遷之，少西臨斷岸，西牆可以建堊而力未暇，特爲製名曰招隱，仍爲詩以告來者，庶幾遷之。

飛簷臨古道，高榜勸遊人。未卽令公隱，聊須濯路塵。茱萸分聚落，煙火傍城闌。林缺湖光漏，窗明野意新。居民誰白帽，過客謾朱輪。山好留歸屐，風迴落醉巾。他年誰改築，舊製不須因。再到吾雖老，猶堪作坐賓。

浚虛臺

才高多感激，道直無往還。不如此臺上，舉酒邀青山。青山雖云遠，似亦識公顏。崩騰赴幽賞，披豁露天慳。落